

藏



外

道

書

34

巴蜀書社



第三十四册

藏外道书

李一氓



巴蜀书社

藏外道書第三十四册 文藝類目錄

洞霄詩集

一

貞居集

五七

霞外集

一九二

霞外詩集

二〇六

鶴月瑤笙

二四一

清虛詩集

二七六

道家詩紀

三〇一

詩談

五九九

青城詩文集

六〇二

青城道觀楹聯

六一三

西泠仙永

六二〇

四庫未收書提要

學經室外集卷一

洞霄詩集十四卷提要

宋道士孟宗寶撰宗寶字集虛嘗築室於苕溪之上曰集虛書院為詩文咸有法度煉元養素居九鎖山中三年積書至數千卷與鄧牧相友善牧為洞霄宮圖志曾載其人攷今道藏中大滌洞天記有至元三年吳全節序云道士孟集虛出所編洞霄圖記山川之奇秀巖洞之深杳宮宇之沿革人物之挺特昔耳目之未及者今一覽無遺是編行乎世集虛於茲山之功亦懋矣大滌洞天記者卽今洞霄圖志也記本鄧牧著而序以為孟宗寶者疑當日兩書本合行耳是本明有高以謨刊近亦不可得見此從舊鈔過錄中有殘缺處宗寶後跋云宋紹定間住山冲妙龔先生與道士王思明哀類大滌雷題刻版行世迄今大德壬寅且三十年廢勿舉名勝入山咸謂闕典宗寶以介石沈公命取舊集泊家藏詩與本山葉君牧心節君暇日討論刪定唐宋賢及今名公題詠命工重刻與好事者共之則其用力亦勤矣書中所載篇什至元時元貞大德之間而於王思明則載入宋本山高道類因仿四庫全書伯牙琴之例歸諸宋人焉

山中距舊都會僅兩舍許前□□□率多於□少於出口□□讀書琴奕齋□□精嚴閑從觴詠亦甚率家法然也一時寓公貴客品題蓋稱□泉石無恙□□□鳴騶例□□□散賦待於二境營繕住持之事繁矣清虛恬退寧□□見於前□命工重□□□章假寵靈以□□復傳之覽者庶幾愛屋及鳥之意云大德六年十月日住山介石沈多福炷香謹叙余聞畫史云拳石勺水無甚奇觀落□□□意或造其妙往往意在筆外氣足以勝之也千巖萬壑三江五湖□雄偉浩汗駭目動心其氣已懾安得模寫盡乎維詩亦然天下名山以罕得佳句最陋之地或以詩傳是已杭東南山□□□水之勝莫如天目天目之勝未如大滌洞天自唐宋迄今題詠不少醇疵相半□□□病余獨謂不然讀大滌洞天詩當如閱泰山東海圖障姑取其用意之難勿以責備焉可也孟君集虛聞而是之因舊刪定重刻之牧故為序大德六年十月大滌隱人錢唐鄧牧書

水以龍而靈山以仙而名然地亦有以人而重者故
先民嘗言物之興廢有時至天下勝處終不可掩必
有賢人君子為之題品大滌自漢元封為投龍所而
靈始著東晉後為仙真所栖而名益彰及唐人作為
歌詠至宋口陳諸公妙語傑出三四百年間大篇短
章交作於是五洞九峯勝槩燦爛口口口之內而地
視昔為益重矣使不會萃成編久或散失則居是山
者將無憑乎謹裒古今名章共十四卷而鈐諸梓大
德六年十月日住山介石沈多福炷香謹序

洞霄詩集卷第一

本山道士孟 宗寶 集虛 編

唐

酬劉侍御過草堂 宗元先生吳 筠

晴昔隨世網就閒棲遠林豈謂軒車客來過澗壑深
既懷康濟業仍許隱淪心靈液充甘飲松風代鳴琴
晤言不可極眞興何惜惜貼我方來偈自然生玉音
予慙乏瓊玖無以報兼金他日思良會含情時永吟

又

洞霄詩集卷一

弱冠涉儒墨壯懷歸道眞棲遲嵩穎閒得與巢由鄰
豺狼亂天紀流蕩江海濱江海非吾土所賴吾同人
築堂依絕巘閉關從隱淪一過蒼紛境卧病逾三旬
皇靈垂於邱正氣澄心神但感適起居何堪答蒼旻
策羸返巖壑情抱豁已伸霜候變林薄不能改松筠
彌見攝生理邈然超世塵寫懷簡同志終古無緇磷

天柱隱所答韋應物

寂寞一長望秋山風景清此中惟草色翻憶見人行
荒徑饒松子深蘿絕鳥聲陽崖全帶日寬嶂偶通耕

拙昧難容世貧閒別有情煩君瓊玖贈幽嬾百無成

第五將軍入道因寄

交梨火棗味何如聞說蒼川已下車瓦榼尚攜京口
酒草堂應寫潁陽書亦知得意須乘鶴未必忘機便
釣魚卻恐武皇還望祀蒲輪徵入問元虛

題馴虎巖

郭生在童穉已得方外心絕迹遺世務棲眞入長林
元和感異類猛獸懷德音不憶固無情斯言微且深

書天柱舊院 元英先生方 干

洞霄詩集卷一

早識吾師頻到此芝童藥犬亦相迎師今一去無消
息花洞石壇空月明

元同先生草堂 羅 隱

杳杳洞天路蒼蒼大滌山景輿留不住麾節去應閒
相府舊知己教門新啟開太平匡濟術流落在人閒

又

先生訣行日曾奉數行書意密尋難會情深恨有餘
石橋春暖後勾漏藥成初珍重雲兼鶴從來不定居

又

常時憶討論歷歷事猶存酒向餘杭盡雲從大滌昏
往來無道侶歸去有台恩自此元言絕長應閉洞門

九鎖山

徐凝

人行之字路嶸峨九鎖青山勝九疑祇被白雲生不
斷無端點破碧琉璃

藥園

夏侯子雲

綠葉紅英偏仙經自討論偶移巖畔菊鋤斷白雲根
大滌洞

咸武道士白元鑒

名山閔靈府隱士此尋真仙去空遺鼓雲局不見人

洞霄詩集卷一

三

川源世上異日月洞中春欲出虛無境應修有待身

天壇

天壇高百尺只在翠微閒碧蘚遺蹤古青松白日閒
丹成人已化雲去鶴應還時有吹簫客月明來故山

馴虎巖

外身道不遠異類自能馴尚有相親獸應無可棄人
溪邊同飲水林下共棲真寂寂空巖畔千秋迹已陳

石門

靈關非世力造化創元功屈曲穿丹壑崢嶸倚碧空

煙蘿常蔽日松竹自吟風除卻幽人到塵凡路不通

藥園

仙翁曾播植瓊園尚敷榮春日祥光滿秋風瑞實成
黃精宜益壽萱草足忘情候採靈芝服還應羽翼生

撫掌泉

直下碧千尋蛟龍此隱身無心能應物拍手湧如神
夜鏡涵星斗春盃薦藻蘋終年丹竈下長給武陵人

講堂

高蹤誰可繼一室四無鄰聽法空雲水成功集鬼神

洞霄詩集卷一

四

煙霞生戶牖泉石障埃塵越國今何在空悲行路人

書樓

業成人已去陳迹自依然龜有殘丹火憲遺溢賢篇
懷賢驚異世撫事感流年早迷南華理還應返化仙

瀑布

飛瀑下幽壑令人夢寐清秋山匹練淨寒谷萬珠明
映日添霞色迎風作雨聲潺湲聽莫厭時得滌幽情

新池

何人鑿碧沼待我照衰容洗藥餘香在開函古鏡空

心閒聞細溜波靜卧喬松欲問仙源路無由見落紅

天柱觀

借靈一

石室初投宿仙翁喜暫容花源隔水見洞府過山逢
泉湧堦前地雲生戶外峰終宵自入定不是要降龍

洞霄詩集卷第一

洞霄詩集卷一

五

洞霄詩集卷第二

宋

洞霄宮

文惠公陳堯佐

一帆高挂出紅塵萬仞長歌入紫雲莫道遊仙別無
侶玉清冠蓋許同羣

谷口停驂上翠微五雲宮殿開金扉不知何處朝元
會恰見龍鸞隊仗歸

一天封卻稼如雲流水清寒出洞門更愛林間磐石
上松花飄落羽人樽

洞霄詩集卷二

一

蕭蕭紅樹碧峰前為愛桃花入洞天偶逐霓旌繞百
步卻愛人世已經年

送天柱馮先生

李見素

閒馳風馭恣飄飄因失仙班幾度朝紫閣舊憐秦樹
老赤城新別海山遙飛兔又說春經嶽叱橘曾令夜
探潮不是桃源不歸去故人多半在烟霄

又

王欽若

鬱蕭宮殿倚雲霓玉氣珠輝冠紫微暫到帝城朝斗
會卻思巖竇負琴歸日奔內景乾坤靜泉漱清音祀

菊肥卻到水鄉深
邃住晴嵐掩映簇春暉

洞霄宮

丞相陳堯叟

迴合烟光疊翠屏
東南山水此為靈
鶯花春學蓬萊境
樓閣夜干牛斗星
古檜森羅燒藥竈
彩雲飄灑聚仙亭
遼天俯近歸期鶴
澗谷荀連駭巨溟
紫陌紅塵無一點
綠毛仙骨有千齡

清獻公趙抃

龍穴藏身穩
泉源撫掌清
紅塵人絕慮
白日世長生
我分諳冲寂
誰能顧利名
夢中休指笑
又作洞霄行

洞霄詩集卷二

文忠公蘇軾

上帝高居愍世頑
故顰瓊館在凡間
青山九鎖不易到
作者七人相對閒
庭下流泉翠蛟舞
洞中飛鼠白鴉翻
長松怪石宜霜鬢
不用金丹苦駐顏

又

前生我已到杭州
到處長如到舊游
更欲洞霄為隱吏
一巷閒地且相留

僕昔為通守此州
初入壽星寺悵然如舊游也
後為密州張子予以詩見寄
答之云爾元祐五

年十月二十九日蘇軾記

相視新河次張象道韻

君不見元帥府前羅萬戟
清頭未順千弩射
至今鳳凰山下路長借一箭
開兩翼我鑿西湖還舊觀
一眼已盡西南碧又將回
奪浮山險千艘夜下無南北
坐陳三策本人謀惟留一諾
待我畫老病思歸真楚寓
功名如幻終何得從來自笑
畫蛇足此事何殊食雞肋
情君嗜好更迂濶得我新詩
喜折屐江湖粗了我徑歸餘
事後來當潤色一巷閒卧洞
霄宮井有丹砂

洞霄詩集卷二

水長赤

舊聞鄉曲前輩言
東坡先生將卜居於杭乃買田陽羨以先之志實在杭而不謂陽羨可久居也觀公題壽星寺及寄張秉道二詩可以見平日之志山之蒼蒼泉之涓涓公之精神無一日不在是也鉉翁侍親東來莫居此邦垂三十年亦惟曰先生經行之舊每當携杖入麓慨然遐想為公拂拭舊題徘徊其下不能去復得二詩墨本以授住山龔君文煥俾勒石巖竇以詒來

者龔君因請摘詩中語扁賓位曰一卷子不得而辭也敬跋詩後咸淳六年十一月旦是日冬至眉山家鉉翁書

都官郎中蔡準

大滌洞沈沈天柱峰嵒嵒人世悲落花觀松無易葉朝夕樵風生雲鶴閑情愜何當採玉芝真蹤從此躡東坡詩稱作者七人相對閒蓋同游者都官郎中蔡準管勾少卿吳天常大監樂富國管勾郎中聞人安道管勾郎中俞康直管勾張日華暨

洞霄詩集卷二

四

坡凡七人也坡既首唱餘亦和之兵火之後獨蔡詩得附坡不泯自唐迄今留題亡失過半尚俟好事者家藏遺編能示以補亡豈不幸哉道士王思明書

宿洞霄宮

和靖先生林逋

大滌山相向華陽路暗通風霜唐碣朽草木漢祠空
創石苔花碧丹池水氣紅幽人天柱側茅屋灑松風
又

秋山不可盡秋思亦無垠碧澗流紅葉青林點白雲

涼陰一鳥下落日亂蟬分此夜芭蕉雨何人枕上聞

右二詩不見先生集中乃得真蹟於先生七世孫可山林君洪處使人驚喜如獲至寶嗚呼先生高才清節照映千古且又生長是邦此詩又其用意之作向微尋訪得之乃幾至流落甚可歎也以是知洞天留題必不能盡得古人之作明矣此予所以有望於好事者之相發明也道士王思明書

遊大滌山

無為子楊傑

洞霄詩集卷二

五

大滌洞天玉為室員官典校長生籍青山九鎖閬仙源老盡碧桃人不識祖龍求仙徒用力駕海欲驅山下石神人倚住不與行留得巖前隱仙迹

魯元翰

馬蹄清曉破藍田一出紅塵骨已仙任鎖九重山下路終尋五處洞中天泉流碧砌長鳴玉跡隱蒼崖久蛻蟬人世歸時知變否樵夫曾記爛柯年

毗陵錢景諤

清夜宿瑤宮雲開天柱峯千巖空洞月萬嶺古壇松

仙馭聞孤鶴琅與想六龍朝元步虛罷祥吹引林中

又

入谷初無路山蹊九折迴紫庭藏玉室碧落抱瓊臺
溪水人間見桃花源上開祇應有仙骨得到洞天來

又

餘杭隱大滌遠道達華陽物外雲烟古山中日月長
溪流分玉液栢子下仙香須信風塵表棲真自有方

陳宗古

洞天三十六奇遠此無傳望鶴有時下神仙何處遊

洞霄詩集卷二

六

巖花自照水谷鳥不啼秋盡日松陰底閒聽寒澗流

游洞霄出九鎖山有感

晁端友

行盡青山與碧溪何須辛苦覓天梯九峯不鎖尋真
路自是人心到後迷

游九鎖

張景修

道人鑿井鍊金丹遺迹相傳大滌山已把九峯藏洞
府更留片石隔凡閒茶無俗味清吟思藥有靈苗卻
老顏欲問神仙求妙訣詩魔未放客心閒

九鎖山中多隱仙洞門終古掩雲煙茶生東塢偏迎

日松老西巖不記年翠箬久藏千歲藥碧池深納半
山泉蒼崖縱使秦驅得未信能移一柱天

青山雖九鎖不鎖下山泉石化燒丹竈雲迷隱迹仙
藥苗閒客愛茶味老翁便好洗雙塵眼歸來五洞天

龍溪曾 跋

山勢盤紆是幾重溪行亂石水溶溶東西路口分雙
洞蒼翠羣中起一峯石上仙翁留去跡壁間朋客有
吟蹤夜分不是紅塵境清夢同時曉殿鐘

凍上司馬 題

洞霄詩集卷二

一七

撩花踏水細尋香閒逐孤雲入翠崗九鎖已深看更
好七人相對話應長百年空向塵埃老五月聊乘洞
府涼可笑潛川狂道士未逢玉室與金堂

關 游

山下寒流咽細泉曉林浮日自生烟九峯密鎖疑無
路五洞潛通別有天朋客依山多得道昔人涉海謾
求仙我來要學棲真事願借孤雲一榻眠

吳 個

解驂投宿到蓬壺骨冷魂清夢寐無可怪春禽曉啼

月又催行李出凡途

洞霄枯槐再生

彭城劉 邠

地有藏丹井人傳不死鄉南柯經指李黑葉勝枯楊
甲錯龍鱗斷花明鼠耳黃離宮綠望幸仙檜儼相望

又

仙人煉形骨枯槁不知年秀色倏還觀陽和仍宛然
今古山川異乾坤雨露偏東陽勿歎息生意會絲絲

吳興成 無玷

我欲觀太華一笑凌險阻滅跡恨未果衰容遽如許

洞霄詩集卷二

八

東南豈不佳泉石閭靈府未訪潛山源且尋天目乳
一峰拔地起離立誰敢侮千巖絕附麗萬壑失媚嫵
有如人中傑羞與絳灌伍翠箬藏丹砂石洞飛白鼠
游人倦登陟異境何由睹振衣臨絕頂雲外聽天語
仙人僅予迎從此遂輕舉

左 譽

青山九鎖溪迴縈擎天一柱何崢嶸上同天目映寥
廓下開大滌通滄溟晉唐人物久寂寞天壇石室蒼
苔生虛皇臺高步虛冷仙科玉音神所聽自憐學道

二十年此心久與青山盟竭來奉祠此山下愧無妙
句如丹青木公金母吾未識且待松根生茯苓

李 彙

何人能識洞中天勝地興從漢武年石作雙門標俗
駕路為九鎖折溪泉四山松檜相迴合五洞煙霞暗
接連浮世功名何日已挂冠來結此山緣

洞霄與道士夜話 香巖居士關 注

夜闌立語意蕭然似與黃冠有宿緣不用天壇飛皓
鶴知君家世是神仙

洞霄詩集卷二

七

亭亭山月轉冰輪萬籟無聲灝氣新玉斧全家猶得
道未應無地著閒人

潘 良正

石壇風冷露華凝羣玉崢嶸簇畫屏水赤久傳丹作
井山高時借翠為庭鶴迎仙馭迷三島雲入洞天朝
百靈回首武陵歸去路碧桃零落晚峯青

呈德厚宮主先生 東牟王 伯淮

九鎖松門夜不關蓬萊分境到塵寰仙風鶴駕來天
表白晝雲旗下世閒古洞得泉消俗病名山有藥駐

童顏何當常對先生面願借飛鳧日往還

游洞霄山中

陳律

白日黃塵客路迷偶尋幽事入烟扉雲行翠岫鶴爭舞月落青林人未歸自喜身心無世繫願從巖谷謝朝衣祥光洞口仙題在請罷令人悟昨非

古木陰陰擁澗深青山九鎖極幽尋白雲也似知人意飛落長松伴醉吟

豹隱裴相如

人間三十六洞天各有遺道通神仙茲山九鎖路曲

洞霄詩集卷二

十

折中間五洞樓雲煙東游大滌望天柱西登石室觀飛泉窮幽討勝足未倦明月忽墮青崖顚山中道士借一榻夜半猿鶴驚人眠明朝又復出山去白雲回首空淒然

設醮洞霄因以古詩記其事

武寧章承道

鶴鳴在野聲聞天靈壇夜醮朝羣仙羣仙乘風駕雲軒一一來自虛皇前五籙不散香凝烟火中金縷光相連仙官謂我帝所憐百拜向帝臣有言願乞臣母

千斯年

贈洞霄道士張安持

姚舜陟

富貴不可繫蕭然脫塵羈神氣自涵養巖壑方樓遲山中有宰相物外多真師蓬萊定不遠節操請堅持

游大滌

淳熙丙午九江守王沂

山合羣峰路屈盤溪行九折勢蜿蜒雲根長伴仙人迹元蓋潛通大滌天玉殿香消人寂寂石壇花落草芊芊黃冠解職尋幽興為洗寒鑪煮碧泉

丁先民

洞霄詩集卷二

上

我欲避塵囂乘風入洞霄循溪山作路駕水石為橋臺殿黃金鎖神仙碧玉蕭拂衣天柱頂清思欲飄飄此是名山第一宮仙人何在獨遺踪玲瓏兩洞通元境突兀一山為柱峯水泛紅雲出幽谷風吹蒼雪落長松何時覓得人間暇倚踏烟嵐翠萬重

姚舜元

洞霄詩集卷第二

洞霄詩集卷第三

宋

游洞霄

天師虛靖先生張繼先

洞霄深處日樓真
仙子親曾此致身
鳳閣有人來獻禮
溪聲山色愈增新

宰餘杭游洞霄

浚儀趙公碩

野服蕭蕭歎翠微
虛亭高敞射晴暉
仙歸洞府雲烟冷
春入名山笋蕨肥
緩引壺觴聊自適
暫捐朱墨便忘歸
會須結屋山中住
始悟人間萬事非

洞霄詩集卷三

慶元四年五月再游

舊時曾此覓仙緣
一別於今四十年
白髮重來嗟老矣
青山九鎖故依然
肩輿直入松間路
洗耳還聽澗底泉
幽興未開吟未就
半峯斜日下平川

紹興己巳游洞霄

代國楊與

青山九鎖隔凡緣
福地潛通小有天
古洞落花春寂寂
空山亂石水涓涓
金丹翠箬藏千歲
芝草琅玕定幾年
惆悵何時謝塵事
山中長作地行仙

游九鎖

龍大淵

峯巒九鎖路縈盤
翠色沾衣作晚寒
日暮神仙歸洞府
雨餘星斗下天壇
人生何用千鍾貴
老去須求一室安
會得谷神元不死
世間何事可相干

蓋經

暇日尋幽入洞霄
攀蘿捫石自忘勞
地環九鎖仙都閨
山倚一峯天柱高
夜靜仙人吹鳳笛
月明帝子下雲旄
佩環寂寂中庭曉
時有胎禽唳九皋

西秦張鉉

九鎖非凡境
烟雲路不分
山寒長帶雨
洞古不收雲

洞霄詩集卷三

夜宿聽林鶴
晨炊摘野芹
黃冠皆好事
添炷石爐熏

又

涼蟬亂叫朝暮雨
獨鶴不迷前後山
芎藭煮湯勝茗椀
栗花然火照松關

再游

曉日晴嵐路未分
昔年鐘磬隔林聞
龍歸古洞千巖雨
人卧空山半榻雲
異草靈苗交晚翠
野蘭芳芷雜秋芬
何時得似山中鶴
脫卻羣羣友鹿羣
天風吹我落人間
暫入青山又促還
待得霜林收柿

栗卻來重叩白雲關

寄洞霄道士王竹庵

陳留張 堯臣

一笑相逢已隔秋
人間多事苦相留
亂雲有路通仙境
清夢何因訪昔游
白日無情傷老大
青山此地可藏修
與君宿有誅茅約
為卜來賢一室幽

大滌洞

徐 安國

大滌山藏碧玉函
神龍護穴虎馴巖
華陽遂道通仙處
始見元同骨不凡

入洞霄九鎖路間

存庵黃 敏德

洞霄詩集卷三

三

綠蘿垂地白日暗
落葉滿徑行人稀
青童走入報迎客
驚罷先生一局碁

舞翠亭觀泉

今翠蛟亭
舊名舞翠亭

坐來毛骨覺蕭然
百尺飛流挂碧天
盃酒未終身世換
盡移三峽到樽前

漱石軒一名漱玉

竹巖錢 厚

危石參差上霄漢
中涵萬壑冰玉清
與誰流出洗塵滓
遺我一林風雨聲

石竇鳴泉自招隱
故邀風月到林扃
我今欲去尚同

首多少人來不肖聽

游洞霄

寓軒徐 存

清眞羽士舊仙官
日奉琳宮紫翠間
五洞煙霞龍窟宅
一壺天地道家山
滌泉盤轉冰涵沼
隱石屏開玉敞關
可笑濯纓來覽勝
輸他高卧白雲間

韓 挺

雲去山空鶴自來
天壇石室已蒼苔
洞前石鼓扣即應
巖上仙人挽不回
明月照林山霧合
東風吹澗野蘭開
高眠百尺長松下
閒看飛花落酒杯

洞霄詩集卷三

四

游棲眞洞

韓 松

黃冠具竹與邀我
游棲眞山家雜水樹
野徑橫荆榛長松卧蒼蛟
亂石錯紫鱗委曲至洞府
積翠開雙門結頂竇蓋高下
可容百人神仙獨何之
碁局今猶存翠子拂不落
衣袖生清芬山間局未終
浮世三千春安得從之游
一笑凌層雲

淳熙壬寅治微游洞天 山陰馮 仲柔

洞府深沉別有天
翠飛樓閣聳晴煙
詩傳玉局驚凡目
丹就金爐記昔年
翠擁千波橫絕壁
風吹萬嶺入

飛泉他時待我功成後卜室青山絕世緣

游九鎖

朱杰

九天虎豹不守關瑤京夜半墮塵寰化為青山故曲
折中有玉殿開仙班白龍天來三百丈飛沫直下琉
璃灣神仙可望不可接桃花伴我歸人間

同廖繼道游洞霄 東湖寓客陳伯山

勝日事幽尋乘興從所適西風飄杖屨偶作洞霄客
穿雲渡澗崗捫蘿轉空碧七人今何在九鎖峯巒密
貞冠喜我輩傾懷論宿昔汲泉煮山苗異氣穿几席

洞霄詩集卷三

五

區區名利人到此塵機息

題桂殿秋辭

裕齋李仁本

飛翠蓋走盤與亂山千疊為先驅洞天迎目深且窈
滿耳天風吹步虛

巔獸石錯此松黛嵐終日下天風杖藜攜我恣遙望

縹緲霓裳飛碧空

金帶重紫袍寬到頭不似羽衣閒君王若許供香火
神武門前早挂冠

與錢孝先游洞霄

孫元卿

芒鞋踏明月入谷聞泉聲了知非人間冷然毛骨清

篝燈入幽洞巖穴何陰陰仙凡隔幾塵無由問霓旌

躋攀上高崖勢與龍虎爭憑欄試撫掌碧甃波紋生

塵緣苦未斷世路猶遐征題詩來賢巖晚歲當再行

又

元冥相我作山行捲卻重陰放曉晴但見峯巒互局
鎖不知宮闕隱崢嶸雲根洞穴篝燈入井底波瀾撫
掌生喚客入山還送客淙琤猶記石泉聲

題洞霄

浚儀趙汝湜

洞霄詩集卷三

六

巔岼列千峯一柱屹翹楚迴復蘊奇秀有此雲霞所

巖封五里霧松撼半天雨深知境未窮正欠驚人語

自和

洞府日月閒風景自清楚九關啟天鑰容我朝帝所
清緣宿仙館夢碎石泉雨明朝得羊珠試向張華語

暑中游大滌

雪川鄧朴

人間之暑如炊蒸拂曉故作山中行山深石古雲霧
集青松十里聞風聲上巖高挂水晶簾下巖碎擊琉

璃盤天風吹作六月雨使我肺腑生清寒山花辭木

蒼苔破幅巾羽士花間坐謂予多賦山中吟憑誰寫
作詩中畫

游大滌

錦邑俞 茂實

未了煙霞痼來從大滌游一區藏世界九鎖閨林邱
寒翠霏霏起春波慢慢流入間空岱嶽海上漫瀛洲
隱迹悲猿鶴祥光射斗牛有人相領略何地不夷猶
好景行行得遺蹤細細搜山根雲欲滿石罅鳳仍留
琴瑟聽泉奏珠璣看瀑流山靈應有識鄙句合包羞
逸興那能已奇觀護此酬會須尋石室相繼築菟裘

洞霄詩集卷三

七

橘山李 廷忠

清溪路入武陵源雞犬人家隔近村拔地一峯危作
柱棲雲五洞窄開門空庭有客掃松影古徑無人踏
蘚痕我欲白雲巖畔宿月明一夜聽啼猿

復齋趙 善訥

黃蘗有影金燈暗碧殿無人玉磬清我亦三生羽衣
客夢魂久已到瑤京

雲葩裏石侵衣潤嵐翠龍山入眼明何處如今有仙
隱願尋藥圃新元英

北山程 俱

太湖隱吏疎且頑手板拄頰看西山筆牀茶竈向何
許往來洞庭林屋間側聞餘杭隱大滌故整煙艇尋
苕川相從喜得二妙士金庭老客南昌仙早行不憚
踏曉月逸思自覺奔春泉崗迴洞轉若無路但見老
翠浸秋煙中峯一柱萬山表勢與太華爭擎天神仙
古洞絕壁下蓬萊別館青雲間天壇無人石室冷借
問白鶴何時還人生但為形體累會當去之如蛻蟬
金庭客南昌仙他時待我乘八景舉手少別三千年

洞霄詩集卷三

八

游大滌賦滿庭芳

雲間陳 若晦

五洞深沈九峯迴抱望中雲漢相侵暮春天氣宮殿
翠烟深一片山光滄淨溪月上碧水浮金瓊樓杪仙
人度曲空外響虛音 龍香時時暗引青鸞白鶴飛下
秋陰露華冷瓊珠點綴瑤林猶記華胥夢斷從別後
幾許追尋人間世逝川東注紅日又西沈

洞霄宮

京口許 開

珠宮梁柱太平年福地從知接洞天曲檻一峯飛怪
石幽亭三峽迸流泉驪龍睡重時方早白鶴歸來客